



Ulloq / Dato: 26.082013
Allakkap nr :
Journal nr.: 24-01-01
Sull. / Sagsbeh.: imsc
Dir. oqaras.: 3674011
Mail: imsc@sermersooq.gl

Naalackersuisut
Ingerlatseqatigiiffinnut allattoqarfik
Box 1601
3900 Nuuk

Nuummi umiarsualiviliornissaq pillugu aalajangiiffigisassatut siunnersuummut tusarniaaneq

Kommuneqarfik Sermersuup Nuummi umiarsualiviliornissaq pillugu aalajangiiffigisassatut siunnersuummut missingiussap tusarniaassut ulloq 5. juli 2013 tiguaa. Tusarniaanermut akissutit tunniunneqarnissaannut killigititaavoq 2. september 2013.

Inatsisartut suleriaasianni § 33 naapertorlugu aalajangiiffigisassatut siunnersuummut missingiutitigut Naalackersuisut peqquneqarput Nuummi umiarsualiviup nutaap pilersinneqarnissaa ingerlanneqarnissaalu siunertaralugit 2013-imi aktieselskabimik pilersitsinissamut, kingusinnerpaamillu 2014-imi ingerlatseqatigiiffimmi umiarsualivimmilu pissutsinik naleqqussaanissaq pillugu Inatsisartunut siunnersuummik saqqummiussinissamut.

Nuummi umiarsualivik nunamut tamarmut pitsaanerusumik sullissinissamut aamma umiarsuit anginerit avatangiisinullu ajoqutaanngitsut atorneqarnissaannut periarfissiissaaq.

Siunnersuutigineqarpoq Naalackersuisut 2013-imi

- Nuummi umiarsualiviup pilersinneqarnissaa ingerlanneqarnissaalu siunertaralugit aktieselskabimik pilersitsissasut
- maanna umiarsualivik aktieselskabimut ilanngutsinnissaanut aningaasaliiffigissa-gaat
- ingerlatseqatigiiffiup akiliisinnaassusia pitsanngorsaaffiginiallugu umiarsualivik 40 mio. kr.-nik taarsigassarsitissagaat

Siunnersuutigineqarpoq pilersitsinissamut sanaartornissamullu inatsisissaq 2014-imi katersuunnermi saqqummiunneqassasoq, inatsisitigut aalajangersarneqassaaq sanaartornissamut, piginnittuunissamut umiarsualiviullu Nuummi atortorissaaquteqarluni ingerlanneqarnissaanut ingerlatseqatigiiffiup suleriaatsini malillugu atugassarititamigut siunertassai. Siunnersuutigineqarpoq piumasaqaatit arlallit ilanngunneqassasut, soorlu aningaasartuutitut sunnuteqarluartumik umiarsualivimmik ingerlatsinissaq, ukiut pingasukuutaarlugit nalilersuisoqartarnissaa, najukkami ilinniarfissat qulakkeerneqarnissaat, najukkami suliffissaqartitsinerup qulakkeerneqarnissaa aamma najukkami pisiortorfissat il.il. atorneqartarnissaat.

Aammattaaq siunnersuutigineqarpoq umiarsualivimmut nalinginnaasumik atugassarititaasunik atuisullu akiliuteqarsinnaanerannut periarfissiisumik umiarsualivik pillugu inatsissamik Naalakkersuisut 2014-imi katersuunnermi saqqummiussissasut.

Kommuneqarfik Sermersuup piffissami sivisuumi Naalakkersuisut suleqatigalugit nunatsinnut nunatsinniillu kiisalu nunatta iluani iluaqutaasussamik Nuummi umiarsualivissap nutaap anginerusullu piaartumik pilersinneqarnissaata qulakkeerneqarnissaanik kissaateqarneq aallaavigalugu umiarsualivimmut tunngaviususaaq suliaraa. Kommunimit assut iluarisimaarneqarpoq Nuummi nutaamik umiarsualiviliortoqarnissaa maanna aalajangiunneqarmat, tassunga atuagassarititaasut pillugit siunnersuummik saqqummiussisoqarmat.

Kommuneqarfik Sermersooq siunnersuutinut saqqummiunneqartunut makkunannga oqaaseqaatissaqarpoq:

Aktieselskabi umiarsualivissap nutaap sananeqarneranut ingerlanneqarneranullu isumaginnittussangorlugu pilersinneqarnissaanik siunnersuuteqarneq, kiisalu aningaasartuutitut sunnuteqarluarnissaa, nalilersuisoqartarnissaa il.il. pillugit aalajangiiffigisassatut siunnersuummi saqqummiunneqartut pillugit pingaarnertut piumasaqaatit kommunimit isumaqatigineqarput.

Aammattaaq aalajangiiffigisassatut siunnersuummi pilersistinissamut sanaartornissamullu inatsissatut siunnersuutigineqartumut atugassarititaasut kommunip isumaqatigai. Ilinniarfissat qulakkeerneqarnissaat, najukkami suliffissaqartitsinissaaq aamma najukkami pi-siortorfiit sapinngisamik atugassarititigut unammillersinnaassuseqartut pillugit angunia-
rneqartut Kommuneqarfik Sermersuumit tapersersorneqarlutillu pingaartinneqarput.

Kommunip maluginiarpaq, pilersitsinissamut sanaartornissamullu inatsisitigut siunnersuutigineqartoq ingerlatseqatigiiffiup aningaasaliisui aalajangersarneqassasut, kiisalu umiarsualivik pillugu inatsisitigut siunnersuuteqartoqartoq atuisunut akiliisitsisarnissap ammaanneqarnissaa. Kommunip isumaqatigaa atuisut akiliisinneqartalersinnaanissaat, tamatumunghalu aalajangersagassat erseqqinnerusut saqqummiunneqarnissaat qilanaarlugu. Nunatsinnut nunatsinniillu aamma nunatta iluani assartuinerup pisariaqanngitsumik akisunerulertariaqannginnera tamanit soqutigineqarpoq. Kommunimit pingaartinneqarpoq atuisut akiliuteqartinneqartalernissaannut atugassarititaasut inuussutissarsiuteqartunut tamarmiusunut aamma nunap aningaasaqarnikkut ineriartortinneqarnissaanut sapinngisamik siuarsaanissaat, tassa annikinnerusumik suliallat immikkoortinngikkaluarlugit.

Kommunip maluginiarpaq, pilersitsinissaaq sanaartornissarlu pillugit inatsissaaq aqutigalugu siulersuisut aqutsisullu qanoq piginnaasaqarnissaat pillugu aamma aalajangersaasoqalersaartoq. Tassunga kommuni soorunami isumaqataavoq, inassutigerusuppaalu umiarsualivimmi aqutsisut naammassisaqarsinnaassusaat akornusinngikkaluarlugu umiarsualivimmut tunngatillugu soqutiginnittorpassuit iluaqutissaannik atituumik katiterinissap qulakkeerneqarnissaa. Kommuneqarfik Sermersuup siunnersuutigerusuppa umiarsualivimmi siunnersuisooqatigiit pilersinneqarnissaat eqqarsaatigineqassasoq, taakku Nuup Umiarsualiviani siulersuisunut aqutsisunullu siunnersuisarsinnaapput, aamma atuisunut

soqutigisaqartunullu assiginngitsorpassuarnut Nuummi umiarsualivimmut attuumas-
suteqartunut ammaassinissamut qulakkeerinnissinnaapput.

Kommuneqarfik Sermersooq aalajangiiffigisassatut siunnersuummut maannakkorpiaq al-
lanik oqaaseqaatissaqanngilaq, tassa Kommunip Sanarfinermit Avatangiisinullu Ataatsimi-
ititaani inaarutaasumik politikikkut isummertoqarnissaa naalarnineqarmat.

Umiarsualiviup sanaartorneqarnissaa pillugu suleqatigiinnissaq aamma umiarsualivimmik
ingerlatseqatigiiffiup nutaap suleqatigineqarnissaa Kommuneqarfik Sermersuumit qilanaa-
rineqarpoq.

Inussiarnersumik inuulluaqqusillunga

Asii Chemnitz Narup

Borgmesteri / Mille Søvndahl Pedersen

tami Siulittaasoq

Sanarfinermit Avatangiisinullu ataatsimiiti-